

影印
四庫全書

四庫全書

影印

文淵閣四庫全書

第四五二冊

北京出版集團公司
北京出版社

本冊目次

浦陽人物記

明 宋濂撰……………一

古今列女傳

明 解縉等奉敕撰…………三七

殿閣詞林記

明 黃佐撰……………一二一
廖道南撰……………一二一

嘉靖以來首輔傳

明 王世貞撰……………四二一

欽定四庫全書

史部
浦陽人物記 卷上
附錄下

詳校官侍讀臣陳萬青

刑部郎中臣許兆椿覆勘

總校官庶吉士臣倉聖脉

校對官中書臣牛稔文

謄錄監生臣王宜

欽定四庫全書

史部七

浦陽人物記目錄

傳記類三 總錄之屬

卷上

忠義

梅浴

梅執禮

孝友

陳太竭

何千齡

鍾宅

鄭綺

欽定四庫全書

浦陽人物記
目錄

政事

楊璇

張敦

蔣邵

傅柔

傅雱

黃仁環

吳傳

石範

王萬

吳直方

趙大訥

卷下

文學

于房

朱臨

錢適

何敏中

朱有聞

倪朴

方鳳

黃景昌

柳貫

吳萊

貞節

凌楠妻何道融

戴銘妻倪宜弟

欽定四庫全書

浦陽人物記

臣等謹案浦陽人物記二卷明宋濂撰濂字

景濂浦江人元末用薦除翰林編修以親老

辭明初徵授太子經歷官翰林學士承旨事

蹟具明史本傳是書凡分五目曰忠義曰孝

友曰政事曰文學曰貞節所紀共二十有九

人而以進士題名一篇附於後歐陽玄為作

序稱其至公甚當不以私意為予奪蓋濂本

以文章名世故所作皆具有史法其書本成

於元時後人編輯濂集者止採錄其論贊而

全書則仍別行蓋用羅願鄂州小集收新安

志諸小序而不收其志例也此本為明弘治

中歷陽王珍所重刻卷末有濂一跋稱始立

稿而廉侯景淵遽取刊布故抵牾者多今補

定五十餘處視舊行為小勝末題至正十三

年此跋濂集亦未收蓋晚年改正之本編錄

時偶佚矣乾隆四十三年六月恭校上

欽定四庫全書

浦陽人物記

總纂官臣紀昀臣陸錫熊臣孫士毅

總校官臣陸費墀

浦陽人物記原序

古者以公侯伯子男五等之爵分建邦國於天下由其國有小大故其制度文章亦有隆殺不相沿襲唯史氏之官則皆得置之而史氏之所職掌凡時事之當否人材之善惡田賦之多寡朝聘之往來又皆得書之其名見於書傳者則晉之乘楚之檮杌魯之春秋是也自封建廢而為郡縣不復各有其官於是舉天下之大四海之衆其事悉萃於一史氏使書之雖罄渭川之竹以為

欽定四庫全書

浦陽人物記
原序

簡竭徂徠之松以為煤焉能保其無闕逸乎後之君子有以知其然復各以所聞見於論述若廬陵豫章之紀烈士襄陽東萊錦里之載耆舊魯國會稽汝南濟北零陵武昌之傳先賢他如幽州古今人物志南陽先民傳閩川名士錄陳留人物記等書凡九十餘家至今與史氏之文並傳蓋非但欲補其遺亡而於天衷民性之發亦有不容自己者矣浦陽為婺屬邑異時人物彬彬輩出陳孝子以卓行聞梅節愍以忠義顯王忠惠以政事

著倪石陵以文學稱與夫制行衡門流聲天闕其事可紀者尚多攷之信史或載與否金華宋景濂有感於斯亦以所聞述浦陽人物記二卷上而忠君事親治政講學下暨女婦之節可以為世鑒者悉按其實而列著之不以一毫喜愠之私而為予奪何其至公而甚當也噫立言之法惟其公而已惟其公也非惟不因喜愠論人亦不以窮達觀人但察其賢否為何如耳苟或不然則雖入帷幄歷臺府贊樞機典藩翰曾不若匹夫之所行

欽定四庫全書

浦陽人物記
原序

者固不少世之文士好揚富貴而沒賤貧是果何道哉景濂斯記惟有關治教者則書不問乎其他此其學術之正才識之高宜易及耶予甚敬畏之因志其所見於篇首景濂為文序事極有法議論則開闔精神氣昌不少餒復深惜其沈困在下而未能遇也翰林學士承旨榮祿大夫知制誥兼修國史歐陽玄序

凡例

一楊琬傳照後漢書修錢通梅執禮鄭綺王萬傳照宋史修其餘諸傳或采洪遵郡志或攷朱子槐縣經或按朱紱東軒日抄毛洪筆錄蔣思先達遺事記謝翱浦內先民傳更各叅之行狀墓碑譜圖記序諸文事蹟皆有所據一字不敢妄為登載其舊傳或有糾繆者則無如之何姑俟博聞者正之

欽定四庫全書

浦陽人物記
凡例

一忠義孝友人之大節故以為先而政事次之文學又次之貞節又次之犬槩所書各取其長或應入而不入者亦頗示微意焉

一古人於傳記中多書名非特以其尚質蓋亦為文之體當然爾子孫之於祖考有稱名者則司馬遷自序謂昌生母憐母憐生喜喜生談班固叙傳謂回生況況生三子伯旂穉穉生彪是也弟子之於師有稱名者則子路答長沮之問曰為孔丘是也後人之於先聖先師亦有稱名者則韓愈石鼓歌曰柄任儒術崇

丘軻是也此類甚多不能枚舉蓋古者生無爵死無諡雖祖考亦名之況其他乎所謂避諱但不敢面呼

之耳著文欲紀事行遠未必屑屑為之諱也後世彌文日盛往往不能行尊慕之實徒於名號謬為恭敬淳祐以降不惟諱其名又諱其字或以號舉或以齋名稱其見之文字間在當時固有知之者稍歷一二世則不識為何人矣深可一慨濂今一依史氏之例皆以名書唯於所嘗師事者倣孟子之稱仲尼程伯淳之稱周茂叔以字書之蓋變例也

欽定四庫全書

浦陽人物記
凡例

一祖父書名而子孫或書字蓋倣司馬遷伍子胥傳例一知其所自出者則書曰自某郡來遷浦陽不知者及已見者則書曰縣人至於居在何鄉卒在何年壽年多少可攷者亦書

一舊有名無字者因之不知其事之詳而姓名不可闕者附諸傳中

一本傳所載有與墓銘不同者而墓銘又有與行狀不

同者歷官次第行事後先多紊亂難攷今擇其理優者載之

一贊丈之設非欲專如史氏作品評蓋以事有所疑與當知者不言則不可欲雜陳傳中又恐於文體有礙故藉是以發之耳

一梅溶六傳而絕執禮四傳而絕傳雋之後居清江王萬之後居常熟若此之類既各載譜圖茲不書唯子若孫可以附麗者著之

欽定四庫全書

浦陽人物記

三

欽定四庫全書

浦陽人物記卷上

明 宋濂 撰

忠義篇

濂嘗讀隋書見史臣所載張季珣事謂季珣家素忠烈兄弟俱死國難未嘗不竊歎其難也蓋自古忠臣能殺身以殉義者何代無之求其一門而再見者曷其少哉將父兄弟之所志有不同耶抑一死為不易非大勇者不能全其節也當宋宣和初睦州方臘反攻破六州

欽定四庫全書

浦陽人物記

上

五十二縣棄官守委城邑望風而遁者往往皆是梅溶以單州助教攝松陽丞乃能挺身捍禦就死弗悔靖康末金人大舉入侵京城失守輔翼大臣反面事讎至有拔劍殺攀輅之人而逼上如青城者溶之從子執禮不勝其憤復團結軍民十餘萬謀奪萬勝門夜搗敵營以二帝歸謀洩被害自宣和至靖康七年之間而梅氏一門殺身殉義者凡二人豈非難哉豈非難哉較之季珣家其忠烈未必少減之也夫生者人之所甚樂而有家

之私又人之不能遽忘彼豈甘於頸血濺地而自以為得計哉第以君上決不可背名教決不可負綱常決不可虧忠義一激雖泰山之高不見其形雷霆之鳴不聞其聲刀鋸在前不覺其利鼎鑊在後不知其酷必欲得死然後為安也今去之雖數百載忠剛之氣充塞乎天地之間凜然如生非烈丈夫能如是乎使當時縱能屈膝受辱以保其首領受人唾罵受人賤惡雖生百年又何益也賈誼有言曰守圉捍敵之臣誠死城郭封疆梅欽定四庫全書

滿陽人物記
卷上

三

溶以之法度之臣誠死社稷執禮以之濂生也後慕其氣節欲為之執鞭而不可得輒書其事可以勸不忠者作忠義篇第一

梅溶其先吳興人五代時有諱肇者始避地來遷浦陽寢成大族在通化者為尤蕃溶以儒受薦為單州助教年七十餘攝松陽丞宣和二年冬盜發青溪據歙睦遂破杭明年春婺衢處相繼陷兵及境溶勢不能敵死之從子執禮言於朝官其二子敦時敦成敦時後為遂安

令

執禮字和勝家故貧幼又喪父其母胡氏教以讀書中崇寧五年進士第調常山尉未赴以薦為詳定三司勅令刑定官俄遷九域志編修官秩滿除武學博士或謂執禮大儒不宜處以武事執禮欣然就職陳說大義間親挾弧矢為諸生率大司成強淵明賢之數為宰相言相以未嘗識面為慊執禮聞之曰以人言而得必以人言而失吾求在我而已卒不往謁轉重修政和勅令刑

欽定四庫全書

滿陽人物記
卷上

三

定官擢軍器監丞以親嫌辭改鴻臚遷比部員外郎比部職勾稽財貨文牘山委率不暇經目苑吏有持茶券至為錢三百萬者以楊戩矯旨迫取甚急執禮一閱知其妄欲白之長貳疑不敢乃獨列上果詐也改度支吏部進國子司業兼資善堂翊善歷左右二司員外郎召試中書舍人移給事中林攄以前執政赴闕宿留冀復用臺諫顧望莫敢言執禮論去之孟昌齡居鄆質人室廬嘗贖不肯與而請中旨奪之外郡卒留役都中者萬

數肆不逞為奸詔悉令還楊戩占不遣內侍張佑董葺太廟僭求賞皆駁奏不行拜禮部侍郎素與王黼善黼嘗置酒其第夸示園觀女樂之盛有驕色執禮曰公為宰相當與天下同憂樂今方臘流毒吳地瘡痍未平豈歌舞宴樂時耶退又以詩戒之黼愧怒執禮上疏求去有不能薦進人材之語黼曰是欲為宰相耶會孟享原廟後至以顯謨閣待制知蘄州又奪職明年徙知滁州復集英殿修撰西洛歲供縣官炭自元豐以來稱林木

欽定四庫全書

滿陽人物記
卷上

四

且盡令淮南代輸執禮曰滁之林木亦盡矣經四十年久洛都當已復舊即奏免之賦鹽有定數而間者抑配以補故額執禮曰郡不能當蘇杭一邑而食鹽倍於粟數民何以堪請於朝詔損二十萬滁人德之皆繪像祠焉欽宗立徙知鎮江府召為翰林學士未上改吏部尚書旋改戶部方軍興調度不足執禮請以禁內錢隸有司凡六宮廩給皆由度支乃得下嘗有小黃門持中批詣部取錢而御封不用璽者既悟其失復取之執禮奏

審詔責典寶夫人而杖黃門由是人不取妄取月省浮費三十萬金人抵闕執禮勸帝親征而請太上帝后皇太后太子皆出避用事者沮之洎失守金人質帝於營邀金繒以數百千萬計曰和議已定所需滿數則奉天子還闕執禮與同列陳知質程振安扶皆主根索四人哀民力已困相與謀曰金人所欲無藝極雖銅鐵亦不能給盍以軍法結罪儻室其求宦者挾宿怨語金帥曰城中七百萬戶所取未百一但許民持金銀易粟麥當有

欽定四庫全書

滿陽人物記
卷上

五

應者已而果然帥怒呼四人責之答曰天子蒙塵臣民皆願致死雖肝腦不計於金繒何有哉顧以比屋朽空無以塞命耳帥問官長何在振恐執禮獲罪遽前曰皆官長也帥益怒先取其副胡舜陟胡唐老姚舜明王俟各杖之百執禮等猶為之請俄遣還將及門呼下馬撻殺之而梟其首時靖康二年二月也是日天宇晝冥士庶皆霑涕憤歎初二帝再出執禮力爭不從遂大慟歸見其母曰主辱臣死何以生為母曰忠孝難兩全汝受

國厚恩如此宜剴心上報慎勿以老人為念執禮乃以

其母屬兄弟去與諸將謀奪萬勝門夜搗敵營以二帝

歸范瓊輩皆謂無益獨吳革從公議以振給為名與宗

室子昉密團結軍民不旬日得十餘萬王時雍徐秉哲

聞之使瓊泄其謀故陽託根索事殺之秉哲即捕子昉

送營中革欲以一隊自奮瓊給至帳下議事遂斬革執

禮通諸經尤深於周易所著有文集十五卷死時年四

十九高宗即位詔贈通奉大夫端明殿學士議者以為

欽定四庫全書

浦陽人物記
卷上

薄復加資政殿學士諡曰節愍子忠恕承務郎監潭州

南嶽廟忠範承務郎

贊曰溶之死執禮嘗哭之曰吾從父一老儒生耳平日

恂恂似不能言者乃能慨然守百里之地以蕞爾之軀

膺虎狼之暴至於糜身弗顧執禮之言其真足信哉凡

人外柔者內未必柔但視其所存為何如耳世槩以白

面書生目之可乎哉可乎哉執禮之事尤光明俊偉是

益無忝於溶者使狗鼠小臣不洩其謀則二帝未必北

巡高宗未必南渡悠悠蒼天此何人哉悲夫

孝友篇

浦陽自唐天寶末置縣以來凡歷七代更五百餘年而

生齒之繁至一十二萬有奇歲月如是之久民人如是

之衆中間豈無豪傑者興效長才出秘計以自赴於功

名之會者哉又豈無握長鎗大劒陷陣攻城以苟徽貴

富者哉計其當時雄視一方勇蓋三軍自謂可以流芳

於無窮曾未百年聲消響絕雖其子孫亦有不能道其

欽定四庫全書

浦陽人物記
卷上

名若字者矣嗚呼是果何為者哉若夫閭巷布衣之家

雖其所為不足以驚世動俗有能修孝友之道者朝廷

必下詔以旌之史官必求其實而書之脫或史官失書

賢士大夫又必從而謹志之則其事往往反足以傳於

後世豈非天經地義不可磨滅有非區區功名貴富者

所可同也哉善乎魏徵之言曰雖或位登台輔爵列王

侯祿積萬鍾馬踰千駟死之日曾不得與斯人之徒隸

齒其言又豈不信然也哉嗚呼有志之士寧不於是重

有感哉濂雖不敏未嘗不感激思奮因攷舊書及諸儒之所記錄以孝友著者得四人焉哀麻終身哀哭不輟上通神明可感異類曰陳太竭四代聚居穆穆雍雍門旌偉然映照閭井曰何千齡剔肝療母化感一門雖非中道亦出至性曰鍾宅惇禮行義世濟厥美延於九葉聲聞益著曰鄭綺作孝友篇第二

陳太竭縣人武昌之子親併亡即墓手藝松柏終身衰麻形質枯瘁哀哭弗輟每奠果肴烏鳥不啄

欽定四庫全書

滿陽人物記
卷上

何千齡縣人四世同居梁貞明六年表旌門閭

鍾宅縣之興賢人淳熙中母病宅剔肝和藥以進病尋愈從子明亦刲股療母及明有疾明弟滿又刲股療明皆瘳知縣李知退義其事為代輸稅賦三年宅家嘗三世同居宅之子文厚文廣尤極友愛文廣妻求分文廣恐傷兄之心即出之宅有至行其事親出於天性而非矯揉所致當時有金智深者母得危疾亦剔肝為餌方安議者謂宅化之

贊曰太竭衰麻終身雖過乎禮其純孝有足稱焉千齡當唐季人倫廢壞之時孝行推於友睦而禮遜之風數世不衰真所謂豪傑之士矣鍾宅一家剔肝刲股者三人亦皆出於迫切之誠或舉韓愈氏所論郭人者非之非之誠是也較於親病不啻藥者豈不有間歟書而列之非嘉宅也

鄭綺字宗文白麟二十一世孫也其先居滎陽凝道遷歙自牖遷睦淮遷浦陽今為浦陽感德人淮綺之祖也

欽定四庫全書

滿陽人物記
卷上

綺通春秋穀梁學撰合經論數萬言事父母孝父照以非罪繫獄當入死綺上疏郡守錢端禮請以身代端禮察之白其誣母張病風摩綺保持若嬰兒但適廁必抱就之三十年不懈綺生聞聞生運運生政政生德珪德璋至元中仇家傾德璋以死罪將械送揚州德珪毅然代其行德璋泣隨之爭欲赴吏德珪竟以詭計先死之德珪生文嗣自綺至文嗣凡同居六世歷二百年咸如綺在時至大二年秋九月鄉老黃汝霖等言於縣縣上

其事廉訪使加審按馬文達中書禮部四年春二月准式旌表門閭文嗣生鑑鑑生渭渭生挺皆善守合數千指無異心者重紀至元元年冬十二月太常博士柳貫與鄉校羣士又上狀請如故事復其家從之初文嗣既沒德璋子太和司家事嚴而有恩雖家庭中凜如公府子弟小有過頌白者猶鞭之每遇歲時太和坐堂上羣從子皆盛衣冠鴈行立左序下以次進拜跪奉觴上壽畢皆肅容拱手自右趨出足武相銜無敢參差者見者

欽定四庫全書

滿陽人物記
卷上

十一

喑喑嗟嘆謂有三代遺風雖石奮家亦有所不及名聞天下自大丞相及臺院名公卿多賦詩美其行部使者行縣以其孝友七郡或莫之先復書浙東第一家以褒寵之太和喜學禮不奉老子浮屠經像冠昏喪祭必稽古乃行子孫從化馴行孝謹不識廛市嬉戲事執親喪哀戚甚三年不御酒肉食貨田賦之屬各有所司無敢私凡出納雖絲毫事咸有文可覆挾日則會不公則監視發之諸子晝趨功入夜輒聚坐一室溫溫語笑至更

餘始休雖多列顯仕不敢挾此有一毫自驕意諸婦惟事女紅不使預家政宗族里閭以恩懷之各有差內外極嚴與臺通傳不敢越堂限家畜兩馬一出則一爲之不食人以為行義所感有家範二卷傳於世

贊曰史氏之言多有不足取信者濂少時嘗讀唐書世系表謂鄭白麟之後不傳私竊信之及觀司空圖榮陽記則曰白麟生師慎師慎生懷芬懷芬生邵邵生斌斌卿斌卿生唐青州刺史庶庶生侍中徽徽生大理卿鄺鄺

欽定四庫全書

滿陽人物記
卷上

十二

生鱗鱗生給事中暮暮生宣州觀察使回又觀鄭燮生遂安譜則曰回生弘弘生垣垣生倬倬生子襲子襲生扈扈生宋欽縣令凝道凝道生殿中侍御史自牖自牖生秘閣校理安仁安仁生淮淮生照照生綺綺即傳之所書者也其承傳次第灼灼可信如此惡觀其所謂不傳者哉考徵不廣而欲以一人之見聞定百載之是非難矣

政事篇

嗚呼紀載之大其可少乎使數百年之間赫赫焉若前日事者非記之於文乎其有政事可書而不書遂至泯泯無聞者又非當時執筆者之過乎濂嘗從薦紳先生游頗知浦陽事聞五代時其人多仕吳越錢氏有劉英黃子先者或為其國尚書或為其國統軍使錢氏納土之後又多仕於宋嘉祐元祐之間方資及其子揚遠連中進士第揚遠之事語在方鳳傳揚遠之子鑄字世範通判秀州贈奉直大夫鑄之子洙字宗魯歷知梅新二

欽定四庫全書

浦陽人物記
卷上

十三

且若是則夫五代之前又可知已嗚呼政事於人大矣操厚倫惇俗之具執舒陽慘陰之柄御賞善罰惡之權任出生入死之寄其在朝廷則四海被其澤其在一郡則一郡仰其賜其在一縣則一縣受其福苟得其人則上明下淳歌謠太平一或反是則流毒四境神怒民怨至有激成他變者其所繫甚重且難也蓋如此人能以一善自效于官者豈可使之泯泯無聞乎縱曰往者之不可作寧不使來者之知勸乎嗚呼紀載之文其可少乎濂竊拳拳於此不可知者固已無如之何幸猶可以攷見者輒不敢不書自楊璇至趙大訥凡十一人雖官有崇卑治有優劣其利吾民一也因盡錄之作政事篇第三

欽定四庫全書

浦陽人物記
卷上

十三

楊璇字機平高祖父茂本河東人從光武征伐為威寇將軍封烏傷新陽鄉侯建武中就國傳封三世有罪國除因而家焉父扶字聖儀為武源令遷交趾刺史有理能名兄喬為尚書容儀偉麗數上言政事桓帝愛其才

貌詔妻以公主喬固辭不聽遂閉口不食七日而死玠初舉孝廉靈帝時為零陵太守是時蒼梧桂陽猾賊相聚攻郡縣賊衆多而玠力弱吏人憂恐玠乃特制馬車數十乘以排去聲囊盛石灰於車上繫布索於馬尾又為兵車專殺弓弩尅期會戰乃令馬車居前順風鼓灰賊不得視因以火燒布然馬驚奔突賊陣因使後車弓弩亂發鉦鼓鳴震羣盜波駭破散追逐傷斬無數梟其渠帥郡境以清荊州刺史趙凱誣奏玠實非身破賊而妄

欽定四庫全書

滿陽人物記

十四

有其功玠與相章奏凱有黨助遂檻車徵玠防禁嚴密無由自訟乃噬臂出血書衣為章具陳破賊形勢又言凱所誣狀潛令親屬詣闕通之詔書原玠拜議郎凱反受誣人之罪玠三遷為渤海太守所在有異政以事免後尚書令張溫持表薦之徵拜尚書僕射以病乞骸骨卒於家

張敦字伯仁縣人為諸暨令海寇二百餘人剽鹵為患悉平之轉重泉令民悅其化遷車騎大將軍

蔣邵字景倩縣人為益陽令遷洪撫二州刺史攘虎却蝗民蒙其惠轉交州刺史

傳柔字仲席縣人為宣城令無為而治謳謠載路遷鄂州刺史

贊曰洪遵撰東陽志書揚扶在蔣邵張敦傳柔之後且言邵歷洪撫二州刺史轉交州敦遷車騎大將軍柔亦刺鄂州扶東漢中人也遵既如此書則邵等又在扶之前無疑矣濂不謂然漢嘗置車騎將軍衛將軍左右前

欽定四庫全書

滿陽人物記

十五

後皆位次上卿典京師兵衛則車騎固漢官也敦為扶前人亦未可知若洪在兩漢時名為章郡而撫之地隸焉鄂亦名為江夏郡並無稱洪撫鄂三州者及隋平陳始皆置之而冠以今號則邵柔疑隋以後之人也遵曾不考之是果何耶浦陽未置縣時地屬烏傷扶自曾祖茂來遷攷其所居處實今縣地故扶之墓猶在縣西北十五里扶之子孫不見有別居之文遵獨據舊經以扶隸浦陽以扶之子喬玠隸烏傷其又何耶濂皆不得不

正之

傳雱其先世居汴父大理評事瑄始遷浦陽之感德雱多膽畧遇事奮發有為與李綱宗澤游建炎元年金兵始退黃潛善力主和議白上遣雱為祈請使雱時階宣義郎乃特遷宣教郎以優異之未行朝論遣重臣以取信改命周望為通問使李綱為上言今日之事正當枕戈嘗膽內修外攘使刑政修而中國強則二帝不俟迎請而自歸不然雖冠蓋相望卑辭厚禮終恐無益今所遣使但當奉表兩宮致思慕之意而已上乃命綱草二帝表付雱以行獻二帝衣各一襲且致書於尼堪雱與王倫俱留軍中久之乃歸官至工部侍郎弟光字子溫為諸王宮教授未幾退歸田里方臘反縣民多托之為亂任士安統兵至怒甚欲盡屠之光適與任厚往諫之曰亂者唯通化一鄉餘皆良民將軍奉朝廷命殺賊爾奈何延及無辜耶任悟如光言光之孫如松如川皆從太史呂祖謙學知名於時

欽定四庫全書

滿陽人物記

十六

黃仁環縣之上洛人以武悍為閭里雄方臘起睦州往

往曹聚從賊仁環以能自歸得官受沿邊差遣建炎元年山賊何三五作亂仁環呼諸子謂曰吾受國恩恨無以為報誓當以計禽賊乃與唐子容謀偽與賊合賊信不疑仁環謂其酋曰今欲破縣兩主首俱行誰守洞汝等留此吾先破陣於是引眾鼓而東行十餘里至朱村分路口將覆賊乃詭分兩道出攻虛整部伍密令子容等各挿竹葉為標識與賊兩兩相夾部分既定仁環大呼曰轉陣殺賊子容奮兵夾擊賊千餘人得脫者無數輩諸酋留者仁環令諸子享於家酒酣用斧自後斫殺之初仁環有女嫁賊黨中或曰公報國固善如愛女何仁環曰吾恐事不就一女何惜至是竟為所戮仁環官至訓武郎縣人感其德立祠祀之吳傳字清叟縣之通化人傳自少無所好唯嗜讀書中宣和三年進士第歷官至監察御史四持憲節廉明之聲甚著初州縣官遇賜燕有飲至夜分者傳奏不許見

欽定四庫全書

滿陽人物記

十七

燭上從之

石範字宗卿其先由青社來徙浦陽家素貴盛其大母杜氏有賢行以女歸寒士鄭剛中剛中後為名臣人服其先見範天資穎茂從呂祖謙游講索殊精切中紹熙元年進士第調奉化尉歲飢貧民將為變範振之不誅一夫而定海寇為害範設計捕殺之改知麗水縣以丁繼母憂去遷知婺源縣有月橋錢二萬皆取之民民患之範建請蠲其十之二俄權通判袁州峒獠弄兵衡欽定四庫全書

浦陽人物記

卷上

也制詞甚褒之至有庶爾一言之合為吾兩國之成之語則當時任寄之重可見矣雋亦奇男子哉傳以廉肅自將範以振凶禦寇自效要之皆良吏若仁環者區區一劍之雄耳其初未必不鈔掠為人患亦復進之士君子之列何哉宥過錄善春秋之義也錄之斯進之雖然當賊氣正銳之時使仁環不急挫其鋒則數萬生靈血汙荒原矣

王萬字處一其先出於會稽唐之中世始遷烏傷之鳳

欽定四庫全書

浦陽人物記

卷上

林萬之祖起又自鳳林遷浦陽父約之遊淮間萬因生長濠州家甚貧而厲志於學凡三舉始中嘉定十六年進士第調和州教授遷浙西提舉司主管文字未閱月遭父喪端平元年除主管尚書戶部架閣文字轉國子學錄明年添差通判揚州以母老辭改鎮江萬自少忠伉有大志究心當世急務極知邊防要害嘗為書歷告重臣大官論沿邊事宜則謂長淮千里中間無大山澤為限擊首尾應正如常山蛇勢首當并兩淮惟一制閫